

## SPORAZUM O KOORDINACIJI I SURADNJI

između

VIJEĆA MINISTARA BOSNE I HERCEGOVINE

i

BRČKO DISTRIKTA BOSNE I HERCEGOVINE

Vijeće ministara Bosne i Hercegovine i Brčko Distrikt Bosne i Hercegovine (u daljem tekstu: «ugovorne strane»), u cilju da se osigura direktna koordinacija i suradnja između ugovornih strana u svim aktivnostima po pitanjima koja proističu u sprovođenju njihovih nadležnosti prema Ustavu Bosne i Hercegovine. Konačnoj arbitražnoj odluci za Brčko, zakonima Bosne i Hercegovine i Brčko Distrikta Bosne i Hercegovine, odlučili su sklopiti ovaj sporazum.

### *Članak 1.*

Ovim sporazumom ugovorne strane osiguraće direktnu koordinaciju i suradnju u svim pitanjima, naročito u domenu ekonomske politike i razvoja, zakonodavstva, i suradnje sa međunarodnim institucijama.

Suradnja između ugovornih strana ostvarivaće se po resornoj liniji ministarstava u sastavu Vijeća ministara i odjeljenja u sastavu Vlade Brčko Distrikta Bosne i Hercegovine.

Aktivnosti i suradnju između ugovornih strana koordiniraće predsjedavajući Vijeća ministara Bosne i Hercegovine i gradonačelnik Brčko Distrikta Bosne i Hercegovine.

### *Članak 2.*

Pri Vijeću ministara Bosne i Hercegovine formiraće se koordinaciono tijelo za koordinaciju i suradnju sa Brčko Distriktom Bosne i Hercegovine. Brčko Distrikt će odrediti svog predstavnika u ovom tijelu. Koordinaciono tijelo će početi sa radom 1. siječnja 2003. godine.

### *Članak 3.*

Vijeće ministara će pružiti podršku ekonomskom razvoju Brčko Distrikta i promovisati njegove interese u radu sa međunarodnim institucijama.

Vijeće ministara Bosne i Hercegovine će naročito poduzeti sve potrebne aktivnosti da se granični prijelaz u Brčkom odmah proglasi prijelazom prve kategorije, preko koga će biti dozvoljen prijevoz svih vrsta roba, uključujući i naftne derivate.

#### **Članak 4.**

Od siječnja 2003. godine Brčko Distrikt Bosne i Hercegovine će obezbijediti doprinose Proračunu institucija BiH sukladno sa kriterijumima koji će biti usaglašeni između strana.

Sporazum o kriterijumima navedenim u prethodnom stavku sklopiće se do kraja listopada 2002. godine.

#### **Članak 5.**


Izuzetno od odredbe članka 4. Brčko Distrikt Bosne i Hercegovine će za 2002. godinu obezbijediti doprinos Proračunu institucija BiH, namjenski za financiranje Državne granične službe. Osim ovog doprinosa, Brčko Distrikt neće imati nikakvu drugu obvezu doprinosa Proračunu institucija BiH za prethodne godine.

Iznos doprinosa iz prethodnog stavka odrediće ugovorne strane u roku od 10 dana nakon potpisivanja ovog sporazuma. Doprinos će biti transferiran u korist Proračuna institucija BiH u tri jednake tranše. Prva tranša će biti transferirana u roku od 10 dana nakon što Skupština Brčko Distrikta odobri sporazum o iznosu doprinosa, dok će preostale dvije tranše biti transferirane u studenom i prosincu 2002. godine, do 10. dana u mjesecu.

#### **Članak 6.**


Ovaj sporazum stupa na snagu danom potpisivanja, a objavit će se u «Službenom glasniku Bosne i Hercegovine» i «Službenom glasniku Brčko Distrikta Bosne i Hercegovine».

Za Vijeće ministara BiH



---

Za Brčko Distrikt BiH



---